



論癡夢艸卷之十二

龍水余心孺考菴氏著



西陵王封滌慎菴先生較正

古燕李瑞徵中峯先生圈評

山陰呂廷雲媚瞻先生評闕

江都劉國勳禹美先生叅較

五言絕句

折蘆渡江圖

余心孺

人水既不濡託蘆若相戲不信雲霄上翻翻何所寄
老子巖

常執雌持下今何強出頭應恃山中靜往來笑輕舟

○ 課耕

憂患薄郊原險阻遠林麓食報共西成慰勞酒一斛

○ 絕糧

侏儒飽欲死煮字夫何補不折淵明腰那得謝仁祖

○ 又

劍頭尚炊米今釜自生塵不肯食嗟來休嗟身在陳

○ 又

顏魯拙生涯粥食常不繼憂煎復何為未聞顏坐斃

○ 招飲

好義傾肝膽酌予九醞觴滌泗橋水淥委曲意相方

○ 贈銀工

工藝可方道大巧奪天工銷鎔真合假造化火爐紅

○ 又

紅爐鑄萬象心手造化工百鍊全真質一假不相容

○ 又

不教爐灰冷。盼睐自豐融。温厚和平氣。無日不春風。

。又

物何分貴賤。金鳳列銅龍。器成資適用。陶鎔造就工。

。又

頑金無廢棄。百鍊自然精。火候十分到。器成無重輕。

。飛來寺

粵東清遠峽中

知動不如靜。何勞飛寺來。無端燃智炬。真俊駟如雷。

真靜禪師

。又

歸猿啼嘯冷。無往自無來。悔教孫郎眷碧環。歸法雷。

孫恪妻化猿處

。浮丘山

廣州府

神州皆幻境。總屬海中漚。况復空三有。何疑此一丘。

。又

浮丘有丈人。人與境皆幻。雲水自悠悠。人遠丘汗漫。

。白雲山

廣州府

海濱賣藥翁。千歲復何求。以策徒干項。拔山不轉頭。

。又

是病皆可療。暴虐醫無策。賣藥自強秦。安期徒意迫。

○ 又

長生藥何限。僅售一枚棗。不逢李少君。無緣天自老。

○ 雲母溪

增城縣中

輕身雲母粉。千載出溪頭。僅一何姑服。冲舉悟天遊。

○ 又

六氣不相攘。豈諧塵世緣。飄然萬象外。猶自認生前。

○ 呂仙跡

以下湖廣跡在武昌

黃鵠磯中影。紫荆石上蹟。湖光天上開。處處昭靈異。

○ 蘆洲丈人

無端救窮士。自溺夫何因。天理全忠孝。安知非鬼神。

○ 又

濟困非圖報。何須道姓名。千秋江上月。皓魄蘆花魂。

○ 鷺子

期願悲落魄。捕逐已云老。既為西伯師。尚覺風光好。

○ 大別山

神禹與明發。登茲鳥獸門。參身度洪流。萬古託清寧。

○ 漢陰丈人

勞灌身兼甕忘形機事息垂戒喻桔槔推引有揚抑

六合園叟

六合園中叟可曾種玉無晚生月下老笑為檢婚書

漆園

古今一大夢如雲自去留紛紛飛蝴蝶誰復是莊周

吳門

梅福南昌尉堪容隱市門若今嚴物色無地可容身

又

麻姑兄妹僂接待蔡經家今幾易滄桑等傾擲米沙

申屠有涯

宜興
仙人

虫虫滿楊羨孰識人中龍甕瓶渡彼岸雲山隔萬重

了元

即佛印禪師住
鎮江府金山寺

四大本虛空五蘊何曾有無處坐坡仙徒輸玉帶鈕

騎鶴樓

揚州

萬貫今安在何嘗騎鶴來癡心留萬古徒望瓊花臺

淳于墓

揚州

無之非夢境奚獨異南柯萬緣同乃爾一笑付委和

漂母

英雄辱跨下舉世無相識具眼獨老嫗咄嗟為進食

○ 石塔寺 揚州卽王播題詩木蘭寺

向來塵撲面一旦碧紗籠千古炎涼態誰憐道路窮

○ 尼山 以下山東山在兗州

天運鍾明聖何煩禱祀求昌平綬麟瑞祥發始尼丘

、、 關里 魯城

愚哉漢魯共敢犯聖人居八音齊奏處雷驚天地舒

、、 杏壇

杏壇身律襲洙泗朝宗海祖述傳聲教帝王師萬載

○ 穀城

圯橋云可教奚必俟穀城師範昭黃石欲成孺子名

○ 泰山

置身雲霄上登岱靜觀瀾日月容光照分輝萬仞山

○ 南海荔枝

漢和南海獻臨武諫書遲一笑因妃子涪州車騎馳

六七言絕句

、、夏日訪李柱北不遇題壁以歸

余心孺

十度尋君九度孤。兒童慣指酒家酬。飲周三歲酩酊千日不問昇平也樂夫。

又

有容間攜泉石心。尋周李氏煙霞林。主人扶月歸來晚。問容歸從雲氣深。

又

我雖慵釀就村醕。何勿穿林偕我晤。曾道紅塵能悟

我紅塵今掃待君住。

又

客至不知誰氏子。櫺窗墨雨帶新霞。請君西向南崗望。雲外桑麻第幾家。

織婦怨

搵淚潛潛理素機。含愁織就嫁時衣。稱心人自無消息。恐付陳筍飽蠹饑。

其二

儂愁萬緒若機長。緒亂紛紛織莫詳。却悔引為機上

絲同心難就強為細

其三

阿娘寸計女兒工。督責成機心自恫。寸寸莫將輕割裂。酌量完帛獻公宮。

其四

積絲成尺歷艱辛。長短裁量聽世人。祇慎織成無玷染。休言潔白不如綸。

其五

年年理織苦無衣。偏是游閒着細緋。安得一機全萬

匹不同工拙飽黃暉

其六

支機上下遞推移。經緯相成罔速遲。俯仰畢盡閒心力。始成匹錦壯威儀。

其七

也知刺繡炫時眸。本事女郎卒歲謀。日用毋如帛與菽。饑寒藉此更為優。

秋夕

秋至郊原百感生。無端霜際草蟲鳴。水天一氣澄秋

魄萬戶砧中過雁聲

嘉魚縣

相傳丙穴嘉魚美。名縣嘉魚汚自居。褒水興州有丙穴。豈皆彼地無嘉魚。

趙公祖征蠻題德勝鎮觀音堂步韻七首

時因勦撫

南窠寓此

火宅蓮花自不焚。崑岡烈燄豈由人。洪爐造化歸雙掌。心鑄菩提總一真。

其二

萬靈擁勝集禪扉。庶類含生沐紫暉。蟬動蠓行皆法性。忘機無我白雲飛。

其三

禪定風鈴寂不鳴。蟪蛄絲眉眉兩眸。青客來覺照除疑。網認是滄溟龍聽經。

其四

定慧止觀四智深。煙銷日出啓重陰。宰官身現昭玄諦。不訝盧能過量人。

其五

靈巖雲繪象圖開。面面瑠瓏現本來。冥默寂然無欲界。窈冥僧與月徘徊。

其六

萬里長空紫電開。橫披日月過星來。金鞭掃下北台斗。中道圓明排闥迴。

其七

表正巖瞻影弗斜。鴻濛元氣渾無涯。墨池舊灑炎天雨。新燦陀羅智慧花。

贈屏峯山衲子

屏峯休教片雲遮。面目本來悟法華。心境兩頭無色。相樹臺非有現空花。

○ 又

紅輪子夜千山曉。清夢晨鍾衆動開。妙湛自然起六。趣寂然冥默覺如來。

○ ○ ○ 衡州府石鼓書院

相傳孔明故宅

○ 武侯故宅月參橫。石鼓洲中頓地紘。漢室江山秋一。魄瀟湘風雨夜三更。

衡山縣開雲樓

韓文公讀書處

五窮相導鬼狎。手不停披開嶽雲。迴鴈崗前風雨。過瀟湘猶聽讀書聲。

○ 和四季桂韻

相傳桂樹一枝香。豈必秋中始吐芳。氣備四時多馥。馥不教蜂蝶爲奔忙。

○ 和白桃花韻

盡洗玄都千樹嬌。不畱俗艷使人描。武溪行類剡溪。徑漁舫鳴榔避雪敲。

○ 又

高州府志卷之二十二
二
羞逐水流輕薄嬌。淡粧貞潔俗難描。含章簷下如相見。疑是香魂帶雪敲。

和題全州松頂蘭

曾號大夫傲歲寒。爲王香者拒霜殘。渾如忠烈尊明聖。臣戴君王松頂蘭。

又

芳生九畹固幽寒。羞伍蔓延衆草殘。祇爲蒼松雲影近。挺然高寄一叢蘭。

又

同氣千年傲雪寒。分形共體不衰殘。非徒月露風雲合。本末相資松與蘭。

又

泉石交盟傲歲寒。盟心日月豈凋殘。盤根密把香花護。謾謾風聲韻紫蘭。

尋將村觀瀾贈韋瑞五伯仲

急湍懸流壑萬盤。崢嶸雙柱砥洄瀾。肯尋力士神丁將。爲鑿龍門九節灘。

贈李培之

龍江春浪湧雲濤。萬壑松風聲怒號。堅握絲綸帶月
引煙波。一竿釣金鰲。

贈友

林泉書舍隱烟蘿。一濯纓冠一浩歌。細細靜深洙泗
派源源鼓動洛川波。

樂壽村

樂壽山庄宮一畝。滌洞繞碧環林藪。松篁流韻雜風
濤。隱躍龍吟雷電走。

又

地湧洞瀾接紫霞。僊才養晦白雲家。靜觀龍躍雲津
處。共醉松濤對鬱華。

已卯除夕試燈賀鄒念葦

分歲宵清萬戶烟。珠光不夜照媿妍。金龍已映輝千
里。寬息奔馳玉兔年。

又

恍若周天宣夜毬。偶因臘盡掛銀鈎。紗籠玉燭調元
氣。宜照明光寶殿頭。

又

詩癡夢州 卷之十一
疑是紅輪返照清流光向晦發幽情影娥池上春將
旦忽聽金雞燭夜聲

又

火樹金吾弛禁看歲除先試送窮寒隨時通變燃犀
照覆繒千層光更寬

詞

鏡聽詞

余心孺

汝鏡聽鏡汝聽鏡知也未儂汝聆常感汝熒熒示儂
憔悴形借汝咫尺光出我方寸靈照見行人千里意
星星千里不可見意久當自變囑咐他儂只道歸慎
勿錯語遲字意更違對汝失色掩柴扉

楊柳枝詞

下馬拂征鞍男兒多意氣儂本薄命人剉麥肥郎騎
又

聖郎却畏郎。呼擁過前崗。逐塵希一盼。聞笑反倉皇。
○ 又
郎解戰時衣。揮汗紛如雨。遂覓桑中約。好不惜郎體。
○ 又

郎有數領衫。寄在奴房室。儻郎不相嫌。爲郎補綻褶。

曲

懊惱曲

余心孺

如花儂自許。鏡水花不如。霜重花枝折。一莖掉寒株。

○ 其二

修容非不美。儂影自婆娑。儂夫常在日。素質勝如他。

○ 其三

他儂自儔匹。儂憚月前窗。何難事遷就。素志儂不忘。

○ 其四

人亦笑儂癡。儂亦悲人鄙。只暮春花艷。不思身後耻。

其五

一點傷心淚。盈溢五更心。水鷗飛露白。難照此時情。

其六

儂心似明月。月滿當前川。為問波中月。淪沈幾度年。

其七

寧可身無主。不可行無矩。寂莫身後名。頃刻成千古。

其八

饑寒一生事。昏夜一生愁。掃却生前願。屈伸得自由。

銘

硯銘

余心孺

磨則砥面則污。文而且魯以貌取之。失子羽窮當固。之不銜爾賈。

又銘

為爾不潛于幽土。爭貴而器汝。徒碎若質。天體如今。全幾許。

補帳銘

繡爾前。綻爾後。彌縫千百而不揜其醜。獨寢畏衾。十

其目十其手其嚴乎毋日知之於何有

又帳銘

既逸爾形無勞爾精。晝寢夕寐。妄念勿生。天鑒在茲。守之以誠。惟精惟一。平旦鷄鳴。

又

惟茲方寸靈。惺惺常不昧。靜照于最初。神明通枕席。一元惟靜。揖百體效靈。衛天人從此分。何敢越厥志。

又

託體一幃。神遊六合。此心不知何處着。清夜夢魂如

此如此暗中屋漏。何若何若。

戡銘

象周天協玉衡。載璇璣理數。呈杜相欺。權重輕。世盡如君。兮平天下之所不平。

香皂篋銘

與修爾容。曷修爾躬。修爾容。脂不妍。頭童。媿增鹿皮。翁修。迺躬。茂德淵冲。名實永蒼穹。

贊

○ ○ 梓潼帝君贊

余心孺

伏惟帝君神不可測。道大而融。三十餘化如雲霽空。
一十七世士夫躬陰陽詮諦是真宗。知覺萬民化不
通。柄司文章發靈聰。如何疏附偏啞聾。宿翼張乘箕
龍。寧不逸發青騾從。豈非憫悲無棄頑。與情豈非精
靈無難磨。以龔往古來。今生血氣莫不夔夔翼翼相
與共。欽其旃幪。

○ ○ 關帝贊

言夢夢州 卷之十二
面見心赤髭連義長公如不殞漢室不亡刑馬祭天
天勅曰帝荆門分鼎桃園刺血龍驤虎盱警魏吞吳
仲謀前婚許昌國都黃金美女侯章賊鉄不足一盼
神明赫如升帝天之都猶令千載而下仰雄風而踟
躕

自題像贊

常遇汝于鏡不見而心見而影欲何爲者耶。纍纍其
形恍在水中央。世界都寒冷。閑拾鏡中迹。涼魄取諸
頰。笑汝身輕似紙。有氣可扛鼎。

有攜羣僊祝壽俗畫索贊

謂此僊耶。僊異凡儀。謂非僊耶。崗陵是宜。期僊得僊。
神以遇之。按圖索驥。祇益其愚。貌失子羽。何況僊爲。
有疑非僊。是告之。

題人鍊丹行樂圖

丹可點。鐵成金。何不以爐中一粒。以醫國而醫民。毋
日僅可長生。若媲美旌陽。僊其貌而卽僊其真。

又

丹九轉。位上真。倘拔宅以飛升。恐不能爲凡俗。留此

倏然物外之形。

吳子行樂圖

君貌則豐。貌君則癯。不欲皮相。骨相玉如。千里神駿。按圖索諸。

代題父像贊

憶龍城。鎖鑰疆。統貔貅。萬夫望。鋒鋌耀日。將者張。智謀無愧。先子房。聞從赤松遊。長劍倚扶桑。何事蒼梧見。額光人言貌類郭汾陽。我儀疇昔舊龍驤。豪氣凜如六月霜。兀坐如山筋骨強。吁嗟兔旣死。弓自藏。不

繪凌烟閣。萬福名齊揚。何為坐此對蒼茫。

代題母像贊

閨範者誰。意欲語。非女中君子耶。何幽閒貞靜乎。容與。或曰孤鴻霜際。羣獨鶴雲中。侶有光將也。妻折衝。贊樽俎無愧儒也。母保孤。歷險阻。一勞垂訓。三擇處。胤子多材。稱令緒。請試言名慰延佇。曰某之母。實某之父。為某之師。為某祖父禦侮之臣。能幹蠱。宜標彤管。昭來許。

戴君榮像贊

神遠遠。氣藹藹。松濤舞鶴鹿。聆昧杖履雲端遠。塵態若云隱者流。卓犖賢豪槩。既然有道者。經綸昧當代。敬而問之笑不對。想是吾儕遵時晦。有謂平地仙。儲精裨大塊。噫嘻莫是雪夜予。訪長者戴現身示予戲三昧。

○ ○ 畫馬圖贊

密乃曉。豐乃曉。霧鬣風髯安止息。強項不受黃金勒。靡貪攬粟甘芻食。血汗霜蹄健乃力。奮躍風雲周八極。

○ 題飛白一筆大書魁字

一筆風雷天動星。迴神驚鬼疑。指爲怪魁。笑倚擎天一柱。胡爲不列三台。

○ ○ 孫真君圖贊

丹九轉位上真。救蒼龍水府賓。千金方。龍宮陳。三十六道秘如珍。伏龍虎搏紫清。含玄景育羣生。古今仁壽溫如春。此際民瘼困縱橫。願借真君粒八瓊。點鐵爲金億萬盈。如龍砂積旌陽城。以醫吾國醫吾民。

○ ○ 刁父臺遺像贊

公諱玉號子式含山人

珪璋質。體續密。名稱實。敬問爲誰微。晒不道。出髣髴。
刁令形。朱程管。蕭匹。道德裕。才猷凝。思手捧。日曩時。
屈指數。甲乙。四遷民。牧多仁。術當代。循良稱。第一喜。
温不形。忘三黜。相憐同。病憂相恤。對面將。願指手語。
引促膝。始終是。神交以太虛。爲室千古。一時志願畢。

詩餘

爲兒汝弼完婚三首

玉交枝

余心孺

宗堂崇朗。醮終身。匹配鸞凰。姻緣天定。在水書上。備
五倫。義屬三綱。謹唱隨。共事蒸嘗。塤箎協奏。叶宮商。
順親心。椿庭晝長。裕後昆。蘭堦衆芳。

滿庭芳

念祖德。宗功繼久。鸞占鳳卜。燕侶鶯儔。效齊眉舉案。
和清晝。內助家修。勉紹述。舊弓冶。世業箕裘。如梭也。

歲月春秋。這花燭果光前耀。後方稱佳偶。河池詠睢

鳩。本居地名
河池所

滾繡毬

青藜映花燭。張畫堂中寶篆香。喜庭堦玉樹並蒂連
枝向。見前緣有分。須慶祚靈長。莫道是鴛鴦羣比翼。
雙宜學鴻鵠奮志。翀霄上。當思效古梁鴻結禱孟光。
似冀缺敬相將。永輝映彤管流芳。

勗李甥

牙籤三萬。道德五千家。學本自淵源。萬言倚馬。才望

奕青蓮。李晟生為社稷。文靖真稱聖賢。子先世楷模。
風範名譽斗山然。古無生自聖。文章道德本自鑽。研
這勲名事業。鞭肯讓誰先。一注傾囊百萬。何無忌與
舅比肩。寒窗內青燈黃卷。景日侍花磚。

水仙子 贈廖叟
二首

飄飄隨興任西東。賓主風雲羣會中。義氣兒到處人
知重。這謙光渾厚春風。彈釵歌酒德頌。一曲繞梁天
地動。多材多藝類倥侗。地行仙。湘江釣翁。

黃鶯兒

君德甚冲融。樞環中應不窮。生平然諾千金重。嘗寄
鴛籠。如踏雪鴻。翩翩巖壑。雲霄聳乘。剛風飄飄天外。
誰識鹿皮翁。

擬吳騷

賀知友李柱北男婚

端正好

余心孺

羨伯陽開福基。叢蘭玉樹連枝。翠光奕葉李下成蹊。
同根花萼。風光美。紛玉蕊。燦瓊枝。

滿庭芳

吾友艱嗣。何以知命。方遺體。若不是。肝膽交。強採幽
芳。南地何由。獲珠掌。擎提方。慰得九旬祖母。培植也。
高天厚地。笑看庭堦。老蚌生珠異。

醉太平

父望年催母望心灰。禱丘封祝願多違。何幸得寧馨。雀瑞友朋儔聽英聲未飲心先醉。索湯餅竭金樽潦倒糟床睡。三晝宵狂歌擊甕醉鄉中不飲針挑鼻。

賀郎兒

今如玉笋森森。席珍國器殆軒軒。霞舉淵清嶽峙洵。紗籠人物多風致。感天仙臨凡地。偕鳳友鸞交遂。

傾盃序

家世出類超羣輩。迺祖廟廊志攬轡題橋連衡結駟。

父文豪腹便經笥論仁厚。和平四時氣備金昭玉粹。悉在田在淵。蔭滿目綠情紅意。

小桃紅

佳兒佳婦新浴鴛鴦戲。看天孫理織機。須知為學如絲積。須將守成勩業。評難易相待。助家修勉勤中饋。

上小樓

攜手粧樓留心書肆。看君家那鄴架牙籤。誦讀牛車。咏吟肝肺我恒思。春夢中饋君雙筆。覺原來風虎雲龍。比風花雪月更增百倍。

○ ○ ○ 剔銀燈

燭搖紅。藜影交熾。對閨閣如嚴師位。請看繡幃念曠。心窺燈光下。覩平生志氣。暗品題。渾含幽意。望良人。幾欲將眸忍刺。

○ ○ ○ 伴讀書

我我我計終身。渾是靠伊伊伊。應想也和咱意。我我我望夫騰踏人中驥。伊伊伊奮前程。我我我瞻風。隨戒鷄鳴。警旦昧。焚香烹茗挑燈侍。

○ ○ ○ 朝天子

志亭亭。丹鳳立。氣巍巍。八面避。待樹起文場赤幟。這香閣。總是玉爐烟氣。奮起鷗鵬志。不爭蝸角名。豈羨蠅頭利。須盡道李晟天生的。鑄就文兼武。鍊成社稷器。須信得李勉當廷朝尊貴。

○ ○ ○ 普天樂

兩間同度。明良會。佐朝常。襄聖治。紫泥封。夫繫金魚。妻榮受。鳳霞冠帔。鼎食天祿。膏粱味。晝錦榮歸慶。歡會。蔭兒孫。世繼簪纓。班聯鴛鴦。羽儀輔轡。王家鄉號。調元秉鈞里誌。

。麼篇

積厚慶餘輝。裕後光前賁。咸稱美宗功。祖德父恩深。
嘉祥駢臻來。百福如川至。也須孝弟型。于永錫爾類。
綿綿繼。

題美人交頸榻上看菱花青衣後窺圖

。夜行船

翠擁紅遮繡屏圍。陣陣遊蜂挑。挾對粧臺。疑是芳容。
招惹蘊結解語花香。儘教愛熱誰關情切。

。前腔

眼纈停針頻拭倦眸。同伴看菱花。共澄清澈。傍綠依。
紅並蒂相憐相惜。兩情牽掣象榻上對對娥眉清絕。
粉黛輕勻。遠山淡掃。晚粧初闋。見茂便是那燕德同。
行有何區別。

。黑蛛序

何說笑語盈盈。忽嬌羞驚怯。把春尖提挈。怕省事青。
衣屬垣聽竊。捫舌附耳話同心。比肩商名節。言兩決。
復喁喁癡情萬種。寸心千結。

。前腔

誰說並蒂光開免絞綃織就淚珠水闕爲金釵報墜
織指相接望缺燈花爲誰開鵲噪因何疊難猜洩逗
消息鴛幃天降喜音金錢卜也

○○○錦衣香

聞得他行。蹙蹙秉性兒。風花瞥便你儂。默誓宵冥行。
罔是軼心如水鑑。宜皎潔。勿使半點塵昏。蒙滅須見
面。如心免將來鸞分鏡。缺常留輝光。殆皓如圓月映。
玉骨冰肌。噦山紅雪。

○○○漿水令

對鏡莊嚴無狎。褻嫩花枝。那慣摧折。精神警惕。愛欺
媒。妻其儂。汝紅輪西轍。身如紙。心如鏡。巫峽魂輕飛。
越空向嶠空向嶠。暗中幽咽。避塵囂。避塵囂。免人媒。
○○○尾聲
由今各守混沌穴。勿教迷離薄劣。癡性柔腸。留繪春
圖雜列。

迴文

遊龍城立魚巖

余心孺

癡興野雲山路禪。緩行登眺遠峯巔。奇巖積翠深藏。壑隔水凝紅影媚。娟娟滋草荒郊春露炫。映林殘寺隱。谿連依筇轉盼歸途晚。遲望孤松伴鶴僊。

孤村月夜

孤村寂照默生情。靜掩扉荆依漏更。珠暗明投星耀。劍玉藏輝映月膚。瓊厨清煮蟹嘗新。稻檻影移花伴宿。醒癯醉支筇。恣我笑。愚人有夢久無醒。

○ 宴鹿鳴

貞志惟天憑數居。古今隆負荷詩書。英含桂晚根盤。節浪煖桃開江躍魚。名利自輕儒素重。物民關切隱情迂。銘恩

盛宴歌鳴鹿。

明聖思賢為席虛。

○ 感遇

大主考

翰院喬刑部楊

二夫子揭曉後鑒別流品嘉孺

素行慶制科得人有不負科名之獎敬愛兼

至銘心漫賦

殊遇恩銘心自孚。茹連茅拔先泥塗。居鑿待詔宣藜。杖市駿空羣超驥駒。徐待御爐香惹袖。永調羹鼎奠安圖。愚予好古崇音賞。祛俗嚴衡文運扶。





